

影印
文淵閣

四庫全書

影印

文淵閣四庫全書

第七〇三冊

北京出版集團公司
北京出版社

本冊目次

戒子通錄	宋 劉清之撰……………一
知言	宋 胡宏撰……………一〇九
附錄	
明本釋	宋 劉荀撰……………一五九
少儀外傳	宋 呂祖謙撰……………二一九
麗澤論說集錄	宋 呂祖謙撰 呂祖儉蒐錄……………二六五 呂喬年編
曾子全書	宋 汪晫編……………四五七
子思子全書	宋 汪晫編……………四八七
邇言	宋 劉炎撰……………五〇九
木鍾集	宋 陳埴撰……………五五三

欽定四庫全書

子部
戒子通錄卷二

詳校官中書_臣張虎拜

刑部郎中_臣許兆椿覆勘

謄錄監生_臣溫廷鑑

御製書宋劉清之紀左傳叔向母之事

叔向之母賢母也能訓其子為正人又能知叔虎之母

美而惡_入將生敗子惡_去聲之而不使見羊舌職劉清之

記此事而所注又不明幾不成句令人不可曉_{宋劉清之撰戒}

子通錄記叔向母一事引左傳云晉叔向之母妬叔虎

之母美而不使其子皆諫其母母曰深山大澤實生龍

蛇彼美余懼其生龍蛇以禍汝汝散族也余何愛焉使

往視寢生叔虎美而有勇樂盈嬖之故羊舌氏之族及

於難云云所注殊不明晰按左傳注不使謂不使見叔

向之父羊舌職也又左傳汝散族也下有國多大寵不

仁人間之不亦難乎三語為劉清之刪去然此誤不在

前後文義幾至不可曉亦著述者之過也

劉清之而在左邱明夫妬婦人之惡德也叔向之母蓋

能預見叔虎之母雖美而惡將生惡子以散羊舌氏之

宗然從子之諫使往視職之寢果生虎而羊舌氏之族

遂反於難是誠仁人能惡人而有先見之明者矣左氏

應謂之惡_去聲而不宜謂之如是誠其浮夸而不實也以

致千載之下謂叔向之母果妬焉余不可不正其誣

欽定四庫全書

御製文

欽定四庫全書

子部一

提要

戒子通錄八卷

儒家類

臣等謹案戒子通錄八卷宋劉清之撰清之字子澄號靜春臨江人紹興二年進士光宗時知袁州宋時本傳稱其生平著述甚多是書其一也其書博採經史羣籍凡有闕庭訓者皆節錄其大要至於母訓間教亦備述焉

欽定四庫全書

戒子通錄
提要

史稱其甘貧力學博極羣書故是編採摭繁富或不免於冗雜然其隨事示教不憚於委曲詳明雖瑣語碎事莫非勸戒之資固不以過多為患也元虞集甚重其書嘗勸其後人刻諸金谿後崔棟復為重刻顧自宋以來史志及諸家書目皆不著錄惟文淵閣書目載有二冊亦無卷數外間傳本尤稀今謹據永樂大典所載約畧篇頁釐為八卷所引諸條

原本於標目之下各粗舉其人之始末其中

間有未脩者今並為考補增注以一體例惟

自宋以前時代錯出頗無倫次蓋一時隨手

摘錄未經排比之故今亦姑存其舊焉乾隆

四十六年九月恭校上

總纂官

臣紀昀

臣陸錫熊

臣孫士毅

總校官

臣陸費

輝

欽定四庫全書

戒子通錄
提要

元虞集序

愚嘗聞之人受天之命以生亦猶子之稟父命而行也君子畏天命而不敢違猶孝子之從父命而不敢悖事天事親其致一也人之事天而不求於事親則不可以為人子之事親而不足以事天則不可以為子是故父命即天命也同一至仁而無私者也然而天不能為諄諄之誨也知命者觀乎風雨霜露之迹變化消息之故而得之詩云昊天曰明及爾出王昊天曰旦及爾游行

欽定四庫全書

戒子通錄

庶幾奉以周旋者乎故曰富貴福澤將厚吾之生也貧賤憂戚庸玉女於成也莫非惟其所命而順受其正者也事親之道亦若是而已矣夫親之於其子也蓋無不愛焉欲其善良欲其賢智欲其福澤長久而不欲其克惡愚不肖不欲其困乏斷折其心無有異者語曰厲人生子夜而取火是欲其子之善者至於凡庸盡然況中人以上乎是故愛之至則慮之深知之明則言之切或因其材或因其事或抑其過或勗其不及或正其偏或

定其是以啟迪其所未知而增益其所可進雖人品不

同而立言遠近淺深頓異要其指歸皆愛其子而已矣天理之公孰有著於此者乎昔靜春劉先生輯凡為人父者之戒其子言載書傳者以為戒子通錄意其所以謂之通錄者豈不以天下之為人父者各以其愛子之心而為之戒天下之為人子者皆可因其所戒而省念之如聞其父之命親在求諸容色辭氣之接而下能盡也即此書以充其所未達親歿思其精神志意之微而

欽定四庫全書

戒子通錄

有不及聞也即此書以徵其所欲知一語默動息無非受命於其親者矣天理寧有間斷乎集嘗得其書而敬愛之服行講明不敢後也他日至臨川劉氏之族在金谿者多賢俊每出其先世遺書相示僕慨然問之曰戒子通錄無恙乎有曰倣叔熙者對曰是吾世守以保族者也敢忘之乎集曰子之家顯且二三百十年豈偶然乎蓋又聞之孝弟之順德視犯上作亂之惡其間之相去甚不相似也而有子推兩端之極於一言之間豫章羅

先生曰天下無不是之父母而陳公了翁推致之曰亂臣賊子之起常始於見父母之不是嗚呼不受命之害至於如此三君子之言所以有功於萬世名教者也而忽焉者不足以知其言之有功也必有觀乎此書而用力焉則能惕然恐懼而所以盡心於事天事親者矣子盡刻而廣之也敝曰諾明年以成書來告因請題其說云

元陳黃裳序

欽定四庫全書

戒子通錄

三

人之愛子何所不至哉自襁褓鞠乳以至成人授之以土宇人民而欲其富傳之以印綬車服而欲其貴凡可以與之者壹無靳色雖我躬不閱亦必思所以遺後謂不若是則父母之責未盡也然此豈所以愛子哉石碣曰愛子教之以義方古者子生八歲入小學立之師傅教之禮樂射御書數達之洒掃應對進退蓋自天子之儲貳諸侯之世子公卿大夫之子以至於士庶人莫不以此為急先務必義方之教行由小學以進於大學視

身承家肯堂肯播而後能保其所謂土宇人民印綬車

服者此固父母所望於子而為人子者亦豈易事哉近

世朱徽文公既成小學之書又東劉靜春集史傳嘉謨

善行與宋氏諸儒之格言為戒子通錄凡為父母為子

姪為兄弟為夫婦之道具是階庭講學耳濡目染非苟

知之亦允蹈之其於世教實非小補湖湘舊有板今不

復存平陽崔君架之間以語余幕府餘閒手自讎校且

繡梓以廣其傳盛心可尚已以儒飭吏言政及化豈俗

欽定四庫全書

戒子通錄

四

吏所能哉既為嘉歎且繫之辭大德庚子春丁前進士

眉山陳黃裳叙

元曾福昇序

立三極備萬物者人也而所以為入之道其要有三重

焉一曰宅心二曰立身三曰教子然能宅則能立能立

則能教君子不謂三也昔者曾子之在聖門其親承斯

道之傳繼述先聖之志者考經一編大學一書而已其

他遺言見於問載於記班班可攷曷嘗外是而他有所

謂哉試即二書之表而推之其曰宏毅任重戒之戒之
宅心之謂也其曰三省自反而縮養敬安卒慎行其身
立身之謂也夫惟宅心立身之道亦既若是其往矣後
世雖有弗肯堂弗肯播而能讀其書者亦將化蒲盧而
肖螺贏矣矧有是者哉友人崔架之其宅心立身知所
本者與得靜春劉先生所集戒子通錄善本以刻諸梓
將廣其傳是亦錫類之美事雖然即吾心吾身之所有
則其不言之教固已諄諄於其子矣而况昭諸不朽若

欽定四庫全書

戒子通錄
序

五

是乎故吾因架之今之此舉并以發是錄言外之意初
亦不出於大學修正齊家之要領也舉瞻孔庭有嚴在
日子其勉諸以盡為入之道以任三極萬物之責大德
庚子秋中日富州文學掾廬陵曾福昇題

元崔棟序

近得臨江劉清之所輯戒子通錄一編皆古者明君良
臣慈父淑母教誡子弟理明意切讀之能使為人臣為
子弟者油然而起忠孝之心惜此本傳之者寡遂鋟梓以

廣之庶有補於將來大德庚子良月河東崔棟謹識

欽定四庫全書

戒子通錄
序

六

欽定四庫全書

戒子通錄卷一

宋

劉清之撰

列女傳 胎教

古者婦人妊子寢不側坐不邊立不蹕不食邪味割不正不食席不正不坐目不視於邪色耳不聽於淫聲夜則令聲誦詩道正事如此則生子形容端正才德過人矣太王之子曰王季王季成童靡有過失娶太任太任之性端一誠莊惟德之行不視惡色不聽淫聲不出教

欽定四庫全書

戒子通錄
卷一

言能以胎教生文王而明聖太任教之以一而識百卒為周宗

禮記內則名子辭

子生父咳而名之父曰
欽有帥母對曰記有成

子生三日始負之異為孺子室於宮中必求寬裕慈惠溫良敬恭謹而寡言者使為子師其次為慈母其次為保母皆居子室他人無事不往三月之末擇日剪髮為髻男角女羈否則男左女右是日也妻以子見於父姆先相曰母某敢用時日祇見孺子夫對曰欽有帥父執

子之右手咳而名之妻對曰記有成子師辯告諸婦諸母名夫告宰名宰辯告諸男名書曰某年某月某日某生而藏之

儀禮冠辭

士冠三加辭醴
辭三醴辭字辭

冠始加祝曰令月吉日始加元服棄爾幼志順爾成德壽考維祺介爾景福再加曰吉月令辰乃申爾服敬爾威儀淑慎爾德眉壽萬年永受胡福三加曰以歲之正以月之令咸加爾服兄弟具在以成厥德黃耇無疆受

欽定四庫全書

戒子通錄
卷一

天之慶醴辭曰甘醴惟厚嘉薦令芳拜受祭之以定爾祥承天之休壽考不忘醢辭曰旨酒既清嘉薦宜時始加元服兄弟具來孝友時格永乃保之再醢曰旨酒既清嘉薦伊脯乃申爾服禮儀有序祭此嘉爵承天之祐三醢曰旨酒令芳遵豆有楚咸加爾服肴升折俎承天之慶受福無疆字辭曰禮儀既備令月吉日昭告爾字爰字孔嘉髦士攸宜宜之於假永受保之曰伯某甫仲叔季唯其所當

婚辭

士昏父醮子命之父送女命之母命之庶母以父母之命命也

昏父醮子命之往迎爾相承我宗事最帥以敬先妣之嗣若則有常子曰諾唯恐弗堪不敢忘命父送女命之曰戒之敬之夙夜毋違命母施衿結帨曰勉之敬之夙夜毋違宮事庶母及門內施鞶申之以父母之命命之曰敬恭聽宗爾父母之言夙夜無愆視諸衿鞶

戒書

周武王

姬發踐阼三日召師尚父問焉有萬世可以為子孫常者乎尚父對

并王為戒書

欽定四庫全書

戒子通錄

三

師尚父道書之言曰敬勝怠者吉怠勝敬者滅義勝欲者從欲勝義者凶王聞書之言恐懼退而為戒焉為席前左端之銘曰安樂必敬前右端之銘曰無行可悔鑑之銘曰見爾前慮爾後盤之銘曰與其溺於人寧溺於淵溺於淵猶可游也溺於人不可救也楹之銘曰母曰胡殘其禍將然母曰胡害其禍將大母曰胡傷其禍將長劔之銘曰帶之以為服動必行德行德則興倍德則崩矛之銘曰造矛造矛少間弗忍終身之羞予一人所

聞以戒後世子孫

漢孝武

景帝子徹子閔為齊王旦為燕王胥為廣陵王同日立皆賜策各以國土風俗白戒

馬凡三章

嗚呼小子閔受茲青社朕承天序

案朕承天序史記作朕承祖考

古建爾國家封於東土世為漢藩輔嗚呼念哉共朕之詔惟命不于常人之好德克明顯光義之不圖俾君子怠恣爾心允執其中天祿永終厥有愆不臧迺凶於而國害於爾躬嗚呼保國乂民可不敬與王其戒之 嗚

欽定四庫全書

戒子通錄

四

呼小子旦受茲元社建爾國家封於北土世為漢藩輔嗚呼薰鬻氏虐老獸心加以姦巧邊眚朕命將率徂征厥罪北州以綏悉爾心毋作怨母作隳德毋廼廢備非教士不得從徵王其戒之 嗚呼小子胥受茲赤社建爾國家封於南土世為漢藩輔古人有言曰大江之南五湖之間其人輕心揚州保疆三代要服不及以政嗚呼悉爾心祇祇兢兢迺惠迺順毋伺好逸毋迺宵人惟法惟則書云臣不作福不作威靡有後羞王其戒之

梁簡文帝蕭綱戒子當陽公大心

汝年時尚幼所關者學可久可大其唯學歟所以孔丘言吾嘗終日不食終夜不寢以思無益不如學也若使牆面而立沐猴而冠吾所不取立身之道與文章異立身先須謹重文章亦勿放蕩

周公

周文王子姬旦旦子伯禽封於魯將之國故戒之也又一章荀卿子又一章劉向

君子不施其親不使大臣怨乎不以故舊無大故則不棄也無求備於一人又云君子力如牛不與牛爭力

欽定四庫全書

戒子通錄卷一

五

走如馬不與馬爭走智如士不與士爭智又云德行廣大而守以恭者榮土地博裕而守以險者安祿位尊盛而守以卑者貴人衆兵強而守以畏者勝聰明睿智而守以愚者益博文多記而守以淺者廣去矣其毋以魯國驕士矣

文傲傳

周書

案維文王以下係節錄文傲篇中語九年在鄒以下係節錄文傳篇

語中

維文王告堯懼後嗣之無保庚辰詔太子發曰汝敬之

哉民物多變民何嚮非利利維生痛痛維生樂樂維生

禮禮維生義義維生仁嗚呼敬之哉民之適敗上察下

遂信何嚮非私私維生抗抗維生奪奪維生亂亂維生

亡亡維生死嗚呼敬之哉九年在鄒召太子發曰嗚

呼吾語汝所保所守守之哉厚德廣惠忠信愛人君子

之行不為驕侈不為靡泰山林非時不升斤斧川澤非

時不入網罟不麝不卵孤寡辛苦咸賴生焉無殺天胎

無伐不成材無墮四時如此者有十年之積有十年之

欽定四庫全書

戒子通錄卷一

六

積者王無一年之積者亡

書顧命

周成王

周成王姬誦作顧命保元子釗

嗚呼疾大漸惟幾病日臻既彌留恐不獲誓言嗣茲予

審訓命汝昔君文王武王宣重光莫麗陳教則肆肆不

違用克達殷集大命在後之侗敬迓天威嗣守文武大

訓無敢昏逾今天降疾殆弗興弗悟爾尚明時朕言用

敬保元子釗弘濟于艱難柔遠能邇安勸小大庶邦思

夫人自亂于威儀爾無以釗冒貢于非幾

葉公葉公子高楚縣公將死命其子

母以小謀敗大作母以嬖御人疾莊后母以嬖御士疾

莊士大夫卿士

魏武帝曹操告子丕等案此條與下魏收李勣並錄之者不以人廢言也

吾在軍中執法是也至小忿怒大過失不當效

戒子言魏文帝曹丕戒子又使弟植守鄴戒之

父母於子曰雖肝腸腐爛為其掩蔽不欲使鄉黨士友

聞其罪過然行之不改久久自知之用此仕官不亦難

欽定四庫全書

戒子通錄

七

乎又曰吾昔為頓邱今年二十三思此時所行無悔

於今今汝年二十三矣可不勉與

蕭蕤南齊高帝子豫章文獻王戒子子廉子恪等

凡富貴少不驕奢以約失之者鮮矣漢世以來侯王子

弟以驕恣之故大者滅身喪族小者削奪邑地可不戒

哉吾之後當共相勉勵篤睦為先才有優劣位有通塞

運有富貧此自然之理無以相凌侮勤學行守基業修

閨庭尚閒素如此足無憂患

戒子言光武秀字文叔每旦視朝日昃乃罷夜分乃寐皇太子見帝勤勞不怠承

間諫曰陛下有禹湯之明而失黃老養性之福願頤愛精神優游自寧帝曰

我自樂此不為疲也

敕後主辭蜀漢先主備字玄德涿郡人子後主禪字公嗣凡一章

朕初疾但下痢耳後轉雜他病殆不自濟人五十不稱

天年已六十有餘何所復恨不復自傷但以卿兄弟為

念射君到說丞相歎卿智量甚大增修過於所望審能

如此吾復何憂勉之勉之勿以惡小而為之勿以善小

欽定四庫全書

戒子通錄

八

而不為惟賢惟德能服於人汝父德薄勿效之可讀禮

記漢書閒暇歷觀諸子益人意智又曰汝與丞相從事

事之如父

帝範唐太宗隴西人諱世民為書十二篇戒子高宗治案帝範十二篇其首尾

兩條則節錄前後序也

蓋聞大德曰生大寶曰位樹之君上所以撫育黎元自

非明哲武文安可叨臨神器先皇當經綸之會實定王

業逮余以弱冠之年思靜大難躬擐甲冑親當矢石剪

長鯨而清四海掃撓槍而廓八紘既而承慶案原本天

潢濫登案原本作登暉璇極戰戰兢兢若臨深而御朽日慎一

日思善始而令終汝以幼年偏鍾慈愛義方多闕庭訓

有乖不知稼穡之艱難未辨君臣之禮節廢寢忘食思

此為憂披鏡前蹤博採史籍聚其要言以為近誠如

山嶽高峻而不動如日月貞明而普照寬大其志足以

併包平正其心足以制斷奉先思孝處下思恭傾已勤

勞以行德義此為君之體也君體夫六合曠道大寶重

欽定四庫全書

戒子通錄

九

任遠近相持親疎並用則并兼路塞逆節不生是以封

建親戚以為藩衛封之太彊則有噬臍之患致之太弱

則無固本之理莫若衆建宗親而少其力使輕重相鎮

憂樂是同盛衰一心安危同力建親夫國之匡輔必恃

忠良任使得人天下自治是以明君博訪英賢搜揚側

陋求之則勞任之斯逸此以求賢為貴也求賢夫良匠

無棄材明君無棄士人才有長短能有巨細君擇才而

授官臣量已而受職則委任責成不勞而治此設官不

可不審也審官夫王者高居深視虧聽阻明恐有過而

不聞懼有關而莫補虛心思獻替之謀傾耳佇忠正之

說昏主則不然說者拒之以威勸者窮之以罪大臣惜

祿而莫諫小臣畏誅而不言其為壅塞無以自知此拒

諫之惡也納諫夫讒佞之徒國之蝨賊也惡忠賢之在

已上恐富貴之不我先意承旨以悅於君巧言令色

以親於上今人顏貌同於目除猶不自瞻是非在於無

形焉能自覩况逆耳之辭難受順心之說易從故明主

欽定四庫全書

戒子通錄

十

納諫病就苦而能消暗主從諛命因甘而致殞可不戒

哉去諛夫君者儉以養性靜以修身儉則民不勞靜則

下不擾不竭民力不匱民財亂世之君極其驕奢恣其

嗜慾人神憤怒上下乖離佚樂未終傾危已至此驕奢

之忌也戒盈夫奢儉由人安危在已斯二者榮辱之端

五關近閉則令德遠盈千慾內攻則凶源外發故驕出

於志不節則志傾慾生於身不遏則身喪故桀紂肆情

而禍結堯舜約已而福延可不務乎崇儉顯罰以威之

明賞以化之威立則惡者懼化行則善者勸故賞者不德君功之所致也罰者不怨上罪之所當也故云無偏無黨王道蕩蕩此賞罰之權也賞罰夫食為民天農為

政本國無九歲之儲不足備水旱家無一年之服不足禦寒暑故上不節心則下多逸志莫若約己正身則民不言而化矣務農夫土地雖廣好戰則人彫邦境雖安

忘戰則民殆是以勾踐弑蛙卒成霸業徐偃棄武終於喪邦何則越習其威徐忘其備也武夫宏風導俗莫

欽定四庫全書

戒子通錄

十一

尚於文敷教訓民莫善於學因文以隆道假學以光身質蘊吳竿非筈羽不美性懷辨慧非積學不成此崇文之術也崇文此十二條帝王之大綱安危興廢咸在茲

焉古人有云非知之艱唯行不易行之可勉唯終實難

是以暴亂之君非獨明於惡路聖哲之主豈獨見於善途良由大道遠而難遵邪徑近而易踐小人俯從其易不能力行其難是知禍福無門唯人所召欲悔非於既

往唯慎過於將來擇哲王以師焉思以古為前鑑夫取

法於上僅得為中取法於中故為其下自非上哲不可

效焉吾在位以來所制多矣奇麗服翫錦繡珠玉不絕

於前此非防慾也雕楹刻桷高臺深池每興其役此非

儉志也犬馬鷹鷂無遠必致此非節心也數有行幸以

亟勞人此非屈已也斯數事者吾之深過勿以茲為是

而取法案原本作後法焉但我濟育蒼生其益多矣乎定區宇

厥功大矣益多損少人不以為怨功大過微德未以之

虧然猶盡美之蹤於焉多媿盡善之道顧此懷慙况汝

欽定四庫全書

戒子通錄

十三

無纖毫之功直緣基而履慶若崇善以廣德則業泰而身安若肆情以縱非則業傾而身喪且成遲敗速者國基也失易得難者天位也可不慎哉可不惜哉

戒皇屬 國朝太宗類苑

太宗嘗謂皇屬曰朕即位十三年矣外絕游觀之樂內卻聲色之娛汝等生於富貴長自深宮夫帝子親王先須克己每著一衣則憫蠶婦每餐一食則念耕夫至於聽斷之間勿先恣其喜怒朕每親臨庶政豈敢憚於焦

勞汝等勿鄙人短勿恃已長乃可永久富貴以保終吉
先賢有言逆吾者是吾師順吾者是吾賊不可不察也

庭聞

孔子

名丘字仲尼魯人子鯉字伯魚仲尼嘗獨立鯉趨而過庭聞斯二者

學詩乎不學詩無以言學禮乎不學禮無以立又曰女
為周南召南人而不為周南召南其猶正牆面而立也
與

家戒

王肅

字子雍魏散騎常侍家戒歐陽詢所記為詳案肅東海人

夫酒所以行禮養性命為歡樂也過則為患不可不慎

欽定四庫全書

戒子通錄

十三

是故賓主百拜日飲酒而不得醉先王所以備酒禍也
凡為主人飲客使有酒色而已無使至醉若為人所強
必退席長跪稱父戒以辭之敬仲辭君而況於人乎為
客又不得唱造酒史也若為人所屬下坐行酒隨其多
少犯令行罰示有酒而已無使多也禍變之興常於此
作所宜深慎

杜恕

字務伯京兆人魏黃門侍郎稱東郡張閭之為人

張子臺視之似鄙樸人然其心中不知天地間何者為

美何者為好敦然似與陰陽合德者作人如此自可不
富即貴禍患當何從而來

嵇康

字叔夜燕國人晉中散大夫

人無志非人也但君子用心量其善者必擬議而後動
若志之所之則口與心誓守死無二恥躬不逮期於必
濟若心疲體懈或牽於外物或累於內欲不堪近患不
忍小情則議於去就議於去就則二心交爭二心交爭
則向所見役之情勝矣或有中道而廢或有未成而敗

欽定四庫全書

戒子通錄

十四

以之守則不固以之攻則怯弱與之誓則多違與之謀
則善泄臨樂則肆情處逸則極意故雖繁華燭耀無結
秀之效終年之勤無一旦之功斯君子所以歎息也所
居長吏但宜敬之而已矣不當極密不宜數往往當有
時其有衆人又不當獨在後又不當前所以然者長吏
喜聞外事或時發舉則恐為人所說無以自免也宏行
寡言慎備自守則怨責之路解矣其立身自當清遠若
有煩辱欲人之盡命託人之請求謙言辭謝某素不預

此輩事當相安亮耳若有怨急心所不忍可外違拒密為濟之所以然者上遠宜適之幾中絕常人淫輩之求下全束脩無誨之文案本集作下全束脩無帖之稱稱此又秉志之一隅也

戒子言 仲孫獵孟釐子魯卿且死誠其嗣懿子仲孫何忌

吾聞聖人之後雖不當世必有達者今孔丘年少好禮其達者歟吾即沒若必師之

孫叔敖楚相將死戒其子叔敖死王以美地封其子辭請寢邱累世不失

欽定四庫全書 戒子通錄 卷一 十五

王數封我矣吾不受也我死王則封汝必無受利地楚越之間有寢邱者此其地不利而名惡可長有者唯此也

歐陽地餘千乘人漢元帝少府將死戒子紫地餘係歐陽生字正思之孫世受尚書

我死官屬即送汝財物慎毋受汝九卿儒者子孫以廉潔著可以自成

嚴光或云嚴君平姑存之案光字子陵餘姚人光武時除諫議大夫不屈耕於富春山君平

名遵臨邛人易隱於成都市

十誠嗜欲者潰腹之患也貨利者喪身之仇也嫉妬者凶軀之害也讒慝者斷脛之兵也謗毀者雷霆之報也殘酷者絕世之殃也陷害者滅嗣之場也博戲者殫家之漸也嗜酒者窮餒之始也案第十誠原註缺文

樊宏字靡卿南陽人後漢壽張侯為人謙柔畏謹不求苟進常戒其子

富貴盈溢未有能終者吾非不喜榮勢也天道惡滿而好謙前世貴戚皆明戒也保身全已豈不樂哉

辛憲英辛毗女羊耽妻子琇為鍾會參軍伐蜀英憂之案此條宜入後母訓內

欽定四庫全書 戒子通錄 卷一 十六

行矣戒之古之君子入則致孝於親出則致節於國在職思其所司在義思其所立不遺父母憂患而已軍旅之間可以濟者其惟仁恕乎汝其謹之

源賀後魏太尉遺令勅諸子案賀西平人

吾頃以老患辭事不悟天慈降恩爵逮於汝汝其母傲恠母荒怠母奢越母嫉妬疑思問言思審行思恭服思度遏惡揚善親賢遠佞目觀必貞耳屬必正誠勤以事上清約以臨已吾終之後所葬時服單積足申孝心芻

靈明器一無用也

宋隱

字處默西河人魏道武時領吏部選臨終謂其子

汝等苟能入順父兄出悌鄉黨仕郡幸而至功曹史以忠清奉上足以不勞遠詣臺閣也

向朗

字巨達襄陽人蜀左將軍案襄陽記此係遺言戒子蜀志朗子條景耀中為御史中丞

天地和則萬物生君臣和則國家平九族和則動得所求靜得所安是以聖人守和以存以亡也吾楚國之小子耳而早喪所天為二兄所誘養使其性行不隨祿利

欽定四庫全書

戒子通錄

十七

以墮今但貧耳貧非人患惟和為貴汝其勉之

曹哀

魏武子中山恭王其世子孚嗣

汝幼少未聞義方早為人君但知樂不知苦不知苦必將以驕奢為失也接大臣務以禮雖非大臣者猶宜答拜事兄以敬恤弟以慈兄弟有不足之行當造膝諫之諫之不從流涕喻之喻之不改乃白其母若猶不改當以奏聞并辭國土與其守寵罹禍不若貧賤全身也此亦謂大罪惡耳其微過細故當掩之

士會

字季晉大夫食邑於隨曰隨武子後更受范曰范武子將老召其子士變戒之

變乎吾聞之喜怒以類者鮮易者實多詩曰君子如怒亂庶遄沮君子如祉亂庶遄已君子之喜怒以已亂也弗已者必益之邵子其或者欲已亂於齊乎不然余懼其益之也爾從二三子惟敬

高漢筠

後晉客省使在常山戒子意葬常山從其欲也案漢筠字時英齊州歷山人見薛

居正五
代史

吾遊歷多矣觀風俗淳厚以經術相尚罕得如此地者

欽定四庫全書

戒子通錄

十八

教子訓孫可為終焉之計負國鑿荒以為田種樹以成圃凡議婚嫁必接士人

荀勗

字公曾潁陰人晉尚書令或勸有所營置令有歸戴者勗語諸子

人臣不密則失身樹私則背公是大戒也汝等亦當宜達人間宜識吾此意

戒子言

阮籍字嗣宗陳留人晉步兵校尉與兄子咸字仲容皆任達不拘子渾少

慕通達不飾小節籍謂曰

仲容已豫吾此流汝不得復爾